



**ZAPISNIK O RADU 22. SJEDNICE  
KOLEGIJA GRADSKOG VIJEĆA GRADA SARAJEVA  
ODRŽANE 18.04.2022. GODINE**

Broj: 01-GV-02-711/22

Sarajevo, 18.04.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“
9. Marijela Hašimbegović, predsjedavajuća Kluba gradskih vijećnica „Demokratska fronta-Enisa Spahić-Amra Zulfikarpašić“
10. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
11. Bajro Biber, predsjedavajući Kluba gradskih vijećnika „USD-BOSS“
12. Elvedin Korora, predsjedavajući Kluba gradskih vijećnika „Korora/Skorupan“

Odsutni: Mila Eminović Rizvanović, sekretar Gradskog vijeća

Sjednici je prisustvovala, po ovlaštenju Gradonačelnice, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva.

**Jasmin Ademović, predsjedavajući Gradskog vijeća** je otvorio sjednicu u 10.13 sati, pozdravi prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno**, izjasnivši se sa 12 glasova „za“, bez glasova „protiv“ i bez „suzdržanih“ glasova **usvojio je** Zapisnik o radu 21. sjednice Kolegija Gradskog vijeća, održane 01.04.2022. godine.



Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno usvojio je** dnevni red 22. sjednice Kolegija Gradskog vijeća, tako da glasi:

1. Prijedlog Strategije razvoja Grada Sarajeva 2021. – 2027.
2. Priprema za održavanje 15. sjednice Gradskog vijeća Grada Sarajeva
3. Tekuća pitanja (prilog)

#### **Ad 1) Prijedlog Strategije razvoja Grada Sarajeva 2021. – 2027.**

Predsjedavajući Gradskog vijeća je dao uvodne napomene u diskusiji sljedećeg sadržaja. Po provedenoj javnoj raspravi o Nacrtu Strategije razvoja grada Sarajeva 2021-2027, Gradonačelnica je utvrdila Prijedlog Strategije razvoja grada Sarajeva za period 2021-2027 sa očitovanjem o mišljenjima subjekata koji su dali svoj prilog javnoj raspravi i uputila ga Gradskom vijeću na razmatranje.

U skladu s djelokrugom uređenim članom 32. Poslovnika Gradskog vijeća, Kolegij Gradskog vijeća, između ostalog, „Razmatra prijedloge strateških dokumenata Grada Sarajeva za mandatni i duži period i daje mišljenja, sugestije i prijedloge na ove materijale.”

Radan tijela Gradskog vijeća su razmatrala Prijedlog Strategije, te će i izvještaji radnih tijela biti dostupni uz poziv za sjednicu Gradskog vijeća.

U uvodnom izlaganju je predstavnic Predlagača upoznala Kolegija Gradskog vijeća da će se predlagač do održavanja sjednice Gradskog vijeća, očitovati o primjedbama prijedlozima i sugestijama radnih tijela Gradskog vijeća Grada Sarajeva, te o drugim iznesenim mišljenjima o kojima se do sada nije očitovao.

U raspravi o predloženoj strategiji, svoje mišljenje iznijela članica Kolegija Gradskog vijeća Marijela Hašimbegovića.

Nakon rasprave i sažetaka Predsjedavajućeg Gradskog vijeća, Kolegij Gradskog vijeća je jednoglasno usvojio sljedeći **zaključak**:

Kolegij Gradskog vijeća Grada Sarajeva sugerira Gradskom vijeću da razmatra Strategiju razvoja grada Sarajeva 2021 -2027 kako je i predložena.

#### **Ad 2) Priprema za održavanje 15. sjednice Gradskog vijeća**

U uvodnim napomenama, Predsjedavajući Gradskog vijeća je iznio diskusiju sljedećeg sadržaja.

Pripreme za održavanje 15. sjednice Gradskog vijeće se odvijaju u skladu s dogovorenim na prošloj sjednici Kolegija. Sjednica će se održati u srijedu 27.04. 2022. godine. U priprmi sjednice, radna tijela Gradskog vijeća su razmatrala sve materijale.

Pored materijala najavljenih na prošloj sjednici Kolegija Gradskog vijeće, Gradnačelnica je utvrdila i nove prijedloge koji znače provođenje gradskog propisa - Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo. Za razmatranje na 15. sjednic Gradskog vijeća predložene su pojedinačne odluke o sufinansiranju kulturnih manifestacija od posebnog itneresa za Grada Sarajevo u 2022. godini i to:

1. Prijedlog Odluke o sufinansiranju kulturne manifestacije od posebnog interesa za Grad Sarajevo „62. Internacionalni teatarski festival MESS 2022“
2. Prijedlog Odluke o sufinansiranju kulturne manifestacije od posebnog interesa za Grad Sarajevo „28. Sarajevske večeri muzike SVEM 2022“
3. Prijedlog Odluke o sufinansiranju kulturne manifestacije od posebnog interesa za Grad Sarajevo „13. Balet Fest Sarajevo 2022“

4. Prijedlog Odluke o sufinansiranju kulturne manifestacije od posebnog interesa za Grad Sarajevo 61. Međunarodni književni festival "Sarajevski dani poezije 2022"
5. Prijedlog Odluke o sufinansiranju kulturne manifestacije od posebnog interesa za Grad Sarajevo „8. Festival dječije umjetnosti FEDU 2022“
6. Prijedlog Odluke o sufinansiranju kulturne manifestacije od posebnog interesa za Grad Sarajevo Sarajevo 7. Međunarodni festival književnosti "Bookstan. No East. No West. 2022"
7. Prijedlog Odluke o sufinansiranju kulturne manifestacije od posebnog interesa za Grad Sarajevo „Sarajevo Big Band 2022“
8. Prijedlog Odluke o sufinansiranju kulturne manifestacije od posebnog interesa za Grad Sarajevo „26. Festival Baščaršijske noći 2022“
9. Prijedlog Odluke o sufinansiranju kulturne manifestacije od posebnog interesa za Grad Sarajevo „Međunarodni muzički festival Jazz Fest Sarajevo 2022“

\*\*\*

Komisije za izbor i imenovanja je utvrdila prijedlog o razarješnju člana Etičkog vijeće Tarika Ibišević i za izbor novog člana Edina Delimustafića, a na prijedlog Kluba gradskih vijećnika NIP. Tako će se u prijedlogu dnevnog reda 15. sjednice Gradskog vijeća naći i:

- Prijedlog Odluke o razrješnju člana radnog tijela Gradskog vijeća Grada Sarajeva (*Tarik Ibišević*)
- Prijedlogu Odluke o izboru člana radnog tijela Gradskog vijeća Grada Sarajeva (*Edin Delimustafić*)

\*\*\*

Materijal za predlaganje Odluke o podizanju spomenika bosanskom kralju Tvrtku I Kotromaniću nije dostavljen Komisiji za spomenike pa Komisija nije mogla utvrditi prijedlog odluke za razamtranje na 15. sjednici Gradskog vijeća iz razloga što je Nacrt Odluke o podizanju spomenika bosanskom kralju Tvrtku I Kotromaniću, razamtran na prošloj, 14. sjednici Gradskog vijeća, održanoj 04.04.2022. godine, kada je upućen i u javnu raspravu.

\*\*\*

Prijedlog Odluke o platama i naknadama u organima Grada Sarajeva, najavljen za razamtranje na 15. sjednici Gradskog vijeće je povučen.

\*\*\*

Predloženo je razamtranje i Prijedloga Odluke o uslovima i načinu dodjele „Šestoaprilske nagrade Grada Sarajeva“, a što je bila obaveza od ranije.

\*\*\*

Prijedlog dnevnog reda 15. sjednice Gradskog vijeća, uz izostavljanje određenih ranije planiranih tema za razamtranje na ovoj sjednici i uz dodavanja prijedloga koji su u međuvremenu dostavljani, mogalo bi izgledati kako slijedi:

1. Prijedlog Odluke o razrješnju člana radnog tijela Gradskog vijeća (*Tarik Ibišević*)
2. Prijedlog Odluke o izboru člana radnog tijela Gradskog vijeća (*Edin Delimustafić*)
3. Prijedlog Strategije razvoja Grada Sarajeva 2021. - 2027.
4. Prijedlog Odluke o usvajanju Strateškog akcionog plana za jačanje kulturnih i kreativnih industrija grada Sarajeva 2022.-2026. – sa fokusom na muzeje i filmsku industriju
5. Prijedlog Odluke o uslovima i načinu dodjele „Šestoaprilske nagrade Grada Sarajeva“
6. Prijedlog Odluke o davanju saglasnosti gradonačelnici Grada Sarajeva za potpisivanje „Sporazuma o bratimljenju između Grada Sarajeva, Bosna i Hercegovina, i Grada Podgorice, Crna Gora“
7. Prijedlog Odluke o utvrđivanju posebnog značaja za Grad Sarajevo za Udruženje slijepih Kantona Sarajevo

8. Prijedlog Odluke o sufinansiranju kulturne manifestacije od posebnog interesa za Grad Sarajevo „62. Internacionalni teatarski festival MESS 2022“
9. Prijedlog Odluke o sufinansiranju kulturne manifestacije od posebnog interesa za Grad Sarajevo „28. Sarajevske večeri muzike SVEM 2022“
10. Prijedlog Odluke o sufinansiranju kulturne manifestacije od posebnog interesa za Grad Sarajevo „13. Balet Fest Sarajevo 2022“
11. Prijedlog Odluke o sufinansiranju kulturne manifestacije od posebnog interesa za Grad Sarajevo 61. Međunarodni književni festival „Sarajevski dani poezije 2022“
12. Prijedlog Odluke o sufinansiranju kulturne manifestacije od posebnog interesa za Grad Sarajevo „8. Festival dječije umjetnosti FEDU 2022“
13. Prijedlog Odluke o sufinansiranju kulturne manifestacije od posebnog interesa za Grad Sarajevo 7. Međunarodni festival književnosti „Bookstan. No East. No West. 2022“
14. Prijedlog Odluke o sufinansiranju kulturne manifestacije od posebnog interesa za Grad Sarajevo „Sarajevo Big Band 2022“
15. Prijedlog Odluke o sufinansiranju kulturne manifestacije od posebnog interesa za Grad Sarajevo „26. Festival „Bašćaršijske noći 2022“
16. Prijedlog Odluke o sufinansiranju kulturne manifestacije od posebnog interesa za Grad Sarajevo „Međunarodni muzički festival Jazz Fest Sarajevo 2022“
17. Izvještaj o provođenju Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo u 2021. godini
18. Nacrt Odluke o davanju saglasnosti gradonačelnici Grada Sarajeva za potpisivanje Memoranduma o saradnji između Grada Sarajeva, NVO „Naša perspektiva“ i Sarajevske regionalne razvojne agencije (SERDA)
19. Informacija o aktivnostima na izradi Regulacionog plana „Sarajevogas-Bosnalijek“
20. Informacija o realizaciji Projekta „Sanacija, restauracija i koloristička obnova fasada“ za 2021. godinu
21. Informacija o realizaciji projekta „Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljavanje)“ za 2021. godinu
22. Informacija o mogućoj saradnji Grada Sarajeva s JU Collegium Artisticum s ciljem razmjene umjetnika i umjetničkih događaja u projektima međunarodne saradnje Grada Sarajeva
23. Informacija o visini cijena ulaznica za Sarajevsku žičaru
24. Informacija o realizaciji pomoći građanima čija je imovina uništena ili oštećena u poplavama iz novembra 2021. godine
25. Informacija o sporazumnom raskidu Ugovora o poklonu između Grada Sarajeva i JU Dom zdravlja Kantona Sarajevo
26. Informacija o izvršenom budžetskom pregledu – kontrola poslovanja u Gradu Sarajevu za period 2017. – 2021. godine
27. Informacija o izvršenoj reviziji izvršenja nalaza upravne inspekcije, svih općih i pojedinačnih akata organa Grada Sarajeva, donesenih u periodu mandata organa Grada Sarajeva 2016.-2020. godina, a koji se odnose na organizaciju i djelokrug organa uprave i drugih službi u Gradu Sarajevu, unutrašnju organizaciju i sistematizaciju radnih mjesta, radne odnose u organima uprave i drugim službama Grada Sarajeva, te ostvarivanju prava iz radnog odnosa
28. Vijećnička pitanja i inicijative

\*\*\*

Po ovoj tački dnevnog reda nije bilo zaključaka.

### Ad 3) Tekuća pitanja

#### I.

U uvodnim napomenama, predsjedavajući je podsjetio na inicijativu gradskog vijećnika Ratka Orozovića, upućenoj Gradskom vijeću sa prijedlogom da se utvrdi posebno priznanje ili nagrada Grada Sarajeva za oblast filma koje bi dobilo ime po filmskom režiseru „Hajrudin Šiba Krvavac“.

Poslije rasprave u kojoj je sudjelovalo više članove Kolegija Gradskog vijeća, te sažetka predsjedavajućeg, jednoglasno je usvojen sljedeći **zaključak**:

Kolegij Gradskog vijeća je razmotrio inicijativu gradskog vijećnika Ratka Orozovića, upućenu Gradskom vijeću, s prijedlogom da se razmotri mogućnost dodjele posebnog priznanja Grada Sarajeva za doprinos u oblasti filma koje bi nosilo ime po filmskom režiseru Hajrudinu Šibi Krvavcu, te inicijativu upućuje gradonačelnici Grada Sarajeva i nadležnim radnim tijelima Gradskog vijeća na razmatranje i predlaganje rješenja za eventualnu izmjenu gradskog propisa o priznanjima i nagradama, čime bi se definirali kriteriji i postupak dodjele predloženog priznanje ili nagrada Grada Sarajeva.

#### II.

U raspravi koja je uslijedila, član Kolegija Dragan Stevanović je ukazao na problem beskućnika koji se okupljaju i griju uz spomenik „Vječna vatra“ u Titovoj ulici, a često i spavaju u niši spomenika.

Poslije rasprave, u kojoj je sudjelovalo više članova Kolegija Gradskog vijeća, i sažetka predsjedavajućeg, jednoglasno su usvojeni sljedeći **zaključci**:

1. Kolegij Gradskog vijeća Grada Sarajeva upućuje prijedlog MUP-u Kantona Sarajevo da intenzivira nadzor, u smislu preventivne zaštite i zaštite javnog reda i mira, u blizini spomenika „Vječna vatra“, u Titovoj ulici, kako bi se spriječila pojava okupljanja beskućnika oko spomenika gdje je uočeno i da beskućnici učestalo koriste nišu spomenika za spavanje, a plamen za grijanje.

Kolegij Gradskog vijeća Grada Sarajeva upućuje prijedlog Javnoj ustanovi „Kantonalni centar za socijalni rad“ Kantona Sarajevo da poduzme mjere iz svoje nadležnosti za odgovarajuće zbrinjavanje beskućnika koji se okupljaju i spavaju u niši spomenika „Vječna vatra“ u Titovoj ulici.

2. Zadužuje se predsjedavajući Gradskog vijeća da u ime Kolegija Gradskog vijeća, zaključak broj 1. uputi navedenim institucijama.

#### III.

U raspravi koja je uslijedila, član Kolegija Gradskog vijeća Vedran Dodik je problematizirao činjenicu da gradske općine donose odluke o komunalnim taksama u kojima utvrđuju da je prihod od komunalnih taksi isključivo prihod općine, a što je suprotno članu 5. Zakonu o komunalnim taksama Kantona Sarajevo i zatražio da organi Grada Sarajeva reagiraju na odgovarajući način kakao bi se spriječilo ovakvo nezakonito postupanje općina kojim se Grad Sarajevo ostavlja bez pripadajućeg dijela prihoda od komunalnih taksi s područja Grada Sarajeva.

Predstavnica Gradonačelnice je upoznala članove Kolegija Gradskog vijeća o aktivnostima Gradske uprave s ciljem rješavanja ovog pitanja, te s problemima s kojima se predstavnici

Gradske uprave susreću, u komunikaciji s gradskim općinama u vezi sa odgovarajućom primjenom ovog zakona. Naglasila je da je Grad Sarajevo uputio gradskim općinama prijedlog teksta sporazuma o raspodjeli sredstava koja se prikupljaju iz komunalne naknade, između Grada Sarajeva i gradskih općina, te da se očekuje reakcija općina s ciljem usaglašavanja teksta i konačnog potpisivanja sporazuma.

U raspravi su sudjelovali članica Kolegija Marijela Hašimbegović, članovi Kolegija Seid Škaljić, Vedran Dodik, Dragan Stevanović i Adi Škaljić.

Poslije rasprave i sažetka Predsjedavajućeg, jednoglasno je usvojen sljedeći **zaključak**:

Kolegij Gradskog vijeća upućuje inicijativu Gradskom vijeću da donese sljedeći **zaključak**:

- Gradsko vijeće upućuje Gradonačelnicu da intenzivno nastavi započete aktivnosti s ciljem da se, u skladu sa članom 5. Zakona o komunalnim taksama Kantona Sarajevo, usaglasi i potpiše sporazum između Grada Sarajeva i gradskih općina, o raspodjeli prihoda koji se prikupljaju od komunalnih taksi na području Grada Sarajeva.
- Gradsko vijeće zadužuje i daje punu podršku Gradonačelnici da poduzme sve što je potrebno, u okviru nadležnosti Grada Sarajeva, koristeći i autoritet Gradonačelnice, da gradske općine izvrše izmjene već donesenih odluka o komunalnim taksama suprotnih navedenim zakonskim odredbama, ako je potrebno i podnošenjem zahtjeva Ustavnom sudu FBiH za ocjenu ustavnosti takvih odluka, uz prethodno upoznavanje gradskih općina s ovom namjerom.
- Gradsko vijeće zadužuje Gradonačelnicu da o procesima koje vodi i koje će voditi s ciljem ostvarivanja zakonom utvrđenog prava Grada Sarajeva na dio prihoda od komunalnih taksi, svakog mjeseca informira Gradsko vijeće.

\*\*\*\*

Obzirom da pod ovom tačkom dnevnog reda više nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 10.50 sati.

*SEKRETAR GRADSKOG VIJEĆA*

*Mila Eminović Rizvanović, s.r.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*